

享高壽卽別去李服藥髮不白齒不落百七歲而卒

金陵治痿

金陵萬與石嘗病痿疾左半手足不能動履者數載百法治之不愈偶出城南有道人自普德山來云爾何若此乎因以其疾告之人謂以為偏枯道人領之以手按其患處忽覺痛酸曰是豈得為偏枯行當自愈矣問其姓號曰我乾姓號思屯寄寓於清源觀遂與言乾坤屯音肫蒙之旨為天地君親師之位皆世人所不經道萬歸其疾頓釋步履如初迺以其事白諸友人皆曰乾者陽也思為系屯為屯得非純陽乎萬因復出訪之竟不得其所在惟呂帝之像居焉此隆慶庚午十一月事也

道藏輯要

聖蹟紀要

天

壁集五
川口文三

夢仙除瘤

橋齋史左丞夙病眉瘤初至館樓上夢仙拭面而瘤脫既覺往謁呂仙亭物色如所見

牧童賦詩

鍾傳弱翁帥平涼呂帝幅巾衣白紵衣往見有牧童牽黃犢隨之立庭下弱翁異其氣局閒雅指牧童曰道人能詩可賦此乎道士笑曰不煩我語是兒自能之牧童乃操筆大書曰草鋪橫野六七里笛弄晚風三四聲歸來飽飯黃昏後不脫蓑衣臥月明既別人皆見其擔二大甕長歌出郭或報弱翁曰甕二口此呂公也亟追之不復見矣